

退邨詩鈔 二卷

共 2 册 存 1 册 排架号

08205



溫州市圖書館

75.45

索書號碼 7131

登記號碼 010106

共2冊  
(缺1冊)

退翁詩鈔卷下

起乙卯  
訖丙辰

鹽城馬為

乙卯呈嚴範蓀參政師集梅

  
首四

平生縱跡盡由天散髮江湖任醉眠此去

壯游何所恨一官詩酒亂離年

先生客歲  
漫游歐洲

時曾電邀掌理教育部務先生山水自娛  
厭倦政事遂堅辭未就其所著歐游謳一

卷慷慨悲歌尤似  
少凌憂時之作

楊彪病後稱遺老蕪秀辭徵住故鄉二自



弓旌來退谷散人長揖怒清狂先生雖勉應參政及  
高等顧問之聘然月却俸錢列客卿地位風節之高于此益見  
長安冠蓋知多少誰伴先生理釣緝莫嘆  
勝情無勝具滄桑閱盡剩閒身  
黃花秋水五湖船世事浮名總棄捐不似  
少陵長作客餘生老去白雲邊

人日寄舍弟皖江

人日修書寄舍弟遙憶皖江風景異柳枝  
弄色不成青梅花含愁數點淚非常知遇  
古難求心懷千慮復百憂今年人日已作  
客明年今日何處游人生忽忽幾寒暑最  
是兄弟別離苦嗟我飄泊年復年一官走  
冷長安路

懷袁樹五太史



拙宦真無策還家計亦非異鄉慈母在多

難此身微卧雪昭青史現聘為清史館協修勞塵染

布衣君看關外雁濺淚向南飛君提學杭州時余始

識荆茲不期薛若都門疊承唱和曾有有夢南飛淚欲流之句

二月得海曙之任安順消息賦此即

以寄賀

黃花綠酒壯長途一別經年兩寄書且謝

故人多繾綣未將名勝記模糊首次書來

道中名勝及抵省後二次來書知己委署安順惟稱該屬盜風甚熾頗難治理云云

滿城桃李初開放匝地荆榛待剷除此去

舉帷先問俗蠻烟瘴雨漫迴車

得陳蔭田武昌書悵然有寄

記得湖樓繫酒船狂吟醉月明天只今

顛顛京華裏惆悵春風忽五年



喜得故人一帝書書中悲憤又何如欲登  
廣武招君醉故態猖狂病未除

貽徐篤夫四十三韻

三十游京師荏苒加三歲狂放憶少時輕  
心薄利勢直言諍朋儕立論斥朝貴在己  
心坦然聽者芒在背輾轉悔壯年重增貧  
病累蹉跎復蹉跎萬事俱灰廢政網敢自

由一身如籠繫守株學腐鼠自愧無長技  
嗟予豈如斯今也迹相類同學有徐君英  
懷託深契苦吟哭杜黃健筆雄漢魏白門  
黷舍游不期喜交臂學說騰三江時譽邁  
羣輩風氣闢昭陽君家難兄弟元方忽怛  
化頓揮茱萸涕勞生任潦倒異國同飄寄  
我東君已西

君游學澳  
大利亞

天涯各分袂淒涼



遊子裝慘淡，衰親淚學未展所長國。是劇  
更替一夕話，滄桑相對生噓唏。回首十二  
年往事，猶堪記。携手上燕台，懷抱原瑰異。  
人生事業多緣何，投散吏。君就職執政半  
濁流，彼昏日壹醉。臨風起浩歌，把酒發長  
喟。世濁孰能清，吾惟守吾義。世醉孰能醒，  
吾惟養吾氣。君看曠達人，窮通終一致。盛

汗無多，談生才終難棄。斂盡老莊心，日共  
軒羲對。况復禍變來，舉國頻驚悸。鷓蚌徒  
相持，枉貽漁人利。大難日橫流，滔滔未有  
既。誰是柱石才，挺身艱難際。上書爰陳東  
建言，傷賈誼。時命不我諧，有志安得遂。寧  
學茂陵病，毋作鷓夷智。詩酒有生涯，江山  
入夢寐。欲取鍾陵泉，一洗京塵穢。君莫王



樂思我作阮籍慰長安不可居太息復何  
為不如歸去來一親松菊味以此諭故人  
故人同意未

記大風

風性本輕狂春來愈威赫撲地起陰霾白  
日為黯黑莽莽一中原如坐長夜室拔木  
廣廈傾鼓浪漏舟沒怵聽萬花哀花魂歸

不得風伯胡不仁一怒傷萬物安得化祥  
和願我生笑色

遣興

萬卷圖書一草廬退公無事杜門居閑愁  
却共春潮長獨向橋頭學釣魚  
睡起披衣若有思春寒日影射窓遲茶烟  
一榻餘吟興信手閑翻老杜詩



都門感懷四首

新聲中原又禍胎天時人事兩相猜

傷中日交

涉之激烈也

疇堪班超征西使徒負機雲入洛

才高烏都從雲際落獨花不向日邊開

心惟愛淵明味且憇家園買菊栽

杜老工愁非所計相如善病又如何位登

高處由來險詩到窮時分外多荏苒年光

猶逝水飄搖時局等旋渦此生早訂湖山

約煙雨蒼茫一釣簑

求名無術喜逃名東隱金門忽半生悔不

折腰銷氣節自來長揖謝公卿文章雖妙

標虛譽詩酒能魔怯俗情最是漫游未了

願名山來助七哀吟

不羨文章擲筆驕文人窮行最無聊寧知



漢魏成何世徒見夷齊事聖朝零落黃花  
悲晚節莊嚴青史察秋毫儒生事業闕千  
載莫作風流謔浪拋

二月得瑄兄書驚悉卓兄除夕日病故  
經歲家書到開函淚滿襟慘言身後事何  
以慰先靈兄弟傷搖落江山夢古今愁來  
情更切悽絕故鄉心

東汪筱岩省長聲玲

拂袖歸來鬢已絲草堂春滿日遲遲安危  
並世惟公賴風雅于今是我師天下于戈  
方沸鼎隆中經濟此彈碁乘時勉為蒼生  
出半壁東南感舊時君任福建民政長時  
于理財裁兵諸大政  
均擘畫周至旋  
不適意辭職歸

縱論樽前懾酒魔使君意氣撼山河十年



宦海餘長劍一卷離騷付浩歌著有壺山吟草今  
日霸才推敬仲中原儒將老廉頗漫天慘  
劇銷春色又起東風捲逝波

春日酬太秋以詩見寄

一別經年苦開函見故人交由意氣合詩  
貴性情真有約知何日無錢莫畏貧春華  
須共愛海內尚飛塵

大難悲來日相逢憶去年中心傷繾綣尺  
素計安全出處皆無地浮沈且聽天新詩  
留我讀不藉萬人傳

寄築圃吳中

故人書斷絕薄宦兩悠然劫急黃塵裏春  
歸綠酒邊傳箋遲尺素分袂憶三年望絕  
南來雁東風楊柳天



春日都門書懷二首

憔悴宣南客三違故里春一官輕去就萬  
里悔風塵歌哭非由病饑寒不算貧吾儕  
但有骨果是寄籬人  
宦海誰知己茫茫泣道孤功名成豎子溫  
飽愧侏儒何日霑微祿還家買舊書此心  
恐不遂把酒意躊躇

短歌行

天下戎馬逼四郊忍看時局常飄搖長安  
吏隱大不易駟馬高車仍獨驕昨日市井今  
權貴屠門大嚼誇味高嗚乎功名等芻狗  
寧怪志士甘漁樵况我逍遙為散吏大海  
孤舟無所係治術未精學術荒吁嗟儒生  
重意氣悠哉悠哉倏數載從此將身更何



寄海內滔滔尚武功不若投筆從戎去

呈贈增子固中丞師

時致仕居都門

廊廟山林志業同

近年從事實業辭參政一席

老臣進

退抱孤忠淅江德澤沾羣庶畿輔聲聞動

九重

由直藩擢升浙撫

閱盡滄桑餘白首養成桃

李是春風

余受知李廉訪傳元即由中丞薦引

乘時勉再東

山起多少蒼生待我公

次韻答默深見贈並寄太秋書霖

諸子

重逢亂後喜生狂握手猶疑各斷腸風雨

沈沈燈火黯情懷縷縷萬千傷當年豪氣

看雲淡有夢家山怯路茫薄宦何曾今昔

異南來啼雁自成行

唐莊宗

馬上長槍背上弓羣英角逐讓河東燕山



父子降旗白梁室君臣喋血紅始識晏安  
為鴆毒竟甘歌舞老梟雄伶兒尚有新磨  
鏡三矢如何負乃翁

宋高宗

東南王氣未消磨太息偏安之遠謨喋血  
將軍猶用武喪心樞輔早言和望窮馬角  
生還否夢繞龍髯喚奈何底事金牌飛十

二等閒三字起風波

乙卯二月十三日禊集分韻得山字  
世變如斯那可說吾生猶竊一時閒春城  
草木悲今昔過客年華任往還強對百花  
揩病眼似聞哀思滿江關彼都人士依然  
滿憔悴空餘庾子山

柳絮



與水何緣化作萍藉風為力太無憑此生  
多少飄零感杜宇聲中不忍聽

春曉

淒絕風和雪春寒客思深烟花三月夢烽  
火五更心世醉渾如昨詩狂亦豈今愁來  
不成寐祇覺淚沾襟

東易實甫參事

風流當代仰靈光春日遲遲擁草堂埋骨  
好尋乾淨土縱情聊駐管弦場萬方戎馬  
搘危局一卷離騷訴夕陽舊恨新愁兩無  
那先生詩句劇淒涼

不言

不言時事好守分是吾真酒醉花前眼詩  
吟劫裏身叛兵猶擁蜀苛斂強輸秦民物



通雅詩集卷一  
凋殘盡淒然獨愴神

清明

佳節年年枉費思春寒客裏有誰知如何  
一樣江南柳二月清明未掛絲

雜感仿杜少陵同谷七歌體

有客有客字太邱當年同作湖上游詩酒  
連朝狂欲倒蒼茫四顧一釣舟飄飄風雨

不知處雙槳中流任沉浮嗚呼一歌兮歌  
始放憐君憐我同漂蕩

有才有才終見忌隻手揮盡長沙淚太息  
痛哭復何為窮通貴賤總一致漢文有道  
思如斯况乃世風日衰替嗚呼二歌兮歌  
已哀漢庭空老賈生才

日復一日胡有涯宦情冷盡長安花激發



頭寒如蝟縮驚沙浙浙壓帽斜徬徨四顧  
天地窄萬里烽火迷京華嗚呼三歌兮歌  
且泣詩酒伴我消岑寂  
有姊有姊死分離可憐弱息外姑携墓草  
青青魂冥冥六年不見返何時一朝提起  
淚滿眼况值寒食清明期嗚呼五歌兮歌  
聲慘日月為我色黯淡

昆明曲

用少陵哀  
江頭韻

滄桑弔盡增歌哭春游好唱昆明曲湖邊  
宮殿鎖千門一路垂楊為誰綠憶昔避暑  
頤和園天冊金輪此游息萬佛殿上椒詔  
傳文武承恩侍君側霍氏驕奢竇氏專君  
王涕泣少顏色石船宛轉達長橋粧屢畫  
閣窮彫飾佳兵不數漢時功

當時以海軍  
數千萬修頤



和杯水坳堂渺無極自古豪貴如轉轂徒  
使後人淚沾臆一朝華屋忽山邱蔓草春  
風路南北

幽居二首

地僻幽人賞時危拙官居春深花滿院客  
到酒當壚市義懷長缺封侯擁舊書平生  
詩癖在淡泊意何如

息影蓬為戶茫茫何所開種花須闢徑按  
劍獨登臺養拙潘生宦憂危賈傅才干戈  
與人事回首一悲哀

上巳墊公招集法源寺修禊分韻得  
歌字

詩興偏於上巳多錫蕭聲裏奈愁何憂來  
頗似髮難數狂甚猶思劍可摩對鏡年華



驚影幻落花天氣怕春過我生底事塵埃  
老且就樽前一放歌

遣興

散吏何如學散僊數椽茅屋自為緣半開  
半落梨花雨不煖不寒柳絮天晚近風騷  
推主事承平觴咏萃羣賢

謂樊山竇甫任公諸先生每於

上巳日招集當代人名流修禊事常人都道詩為累我被詩

魔累十年

上巳日晤管砵深知事都門

依依楊柳綠婆娑京國重逢喜放歌三載

驚心時事異一官揮手故人多君署漂水縣知事現

卸任入都侵尋歲月悲華髮收拾乾坤付逝波

此夕且為佳節酒醉是夕季景范招人生良

會勿蹉跎



登樓

淚眼登樓眺依依故里春長為醉裏客有  
愧劫餘身風雨漂搖慣乾坤戰伐新霓裳  
歌似昨嗟爾太平臣

奉到民父同年和作一首並寄和元

徵兩律即依原韻奉酬二首

相見知何日相期胡太勞宦因時事淡詩

為故人豪春海潮聲急陰山雲氣高蒼茫

一回首我隱欲蓬蒿

逸才翰子建禊事黯芳晨

君詩面到時適當上巳日友人

招集法源寺修禊事

酒薄難成醉花殘欲訴春支離

惟念舊歌哭豈無因久客傷王粲如何不

返秦

次韻答金濟時見贈並寄蜀門砾深



諸子

手把新詩如共語豪情輸與故人多不期  
遇合添酬唱強雜悲懽入嘯歌翻手作雲  
覆作雨少年投筆壯投戈縱橫熱血真無  
算好付樽前盪酒魔

連日大風寒甚書感

暖春風送冷客思滿歸襟塵蔽長安目雲

游拙宦心衰陽挂遠樹積雪在寒岑喜遇

熱腸反連朝詩酒尋

蜀門砥深濟  
時均先後入都

什刹海會賢樓遠眺二首

登樓望不極萍藻滿春池四顧寂無語壯  
年能幾時山清雲黯黯波起日遲遲急劫  
何曾弭前途未可思

天時因世態寒暖太重重養拙風塵裏全



生詩酒中驚心芳草綠啼血杜鵑紅欲問  
長堤柳清懷與我同

遣懷

梨花半零落柳葉轉蕭疏風雨淒春暮交  
游悵道孤冥鴻色<sup>正</sup>杳老雀意何如時事  
猶堪說餘生慎厥初

日暮

日暮風翻起昏鴉依舊窩黃塵欺落葉春  
海激狂波城角悲笳壯燈前別淚多壯懷  
猶未已欲執魯陽戈

讀樊山詩札率成兩絕即寄樊山

廣廈歡顏同杜老騷壇祭酒是香山平生  
多少憂時淚點點都從句裏看

名士登山恨不深杖隨猶作白頭吟風流



莫當倉山看淒絕江南庾子音

蜀門砮深見訪并留小飲二首

草廬避風雨喜見故人過薄宦樽盤減狂

談涕淚多論交翻恨晚謂邱卧道却愁魔

此意陽明解吾儕復若何

風急江南客艱難幾度經故園心已往世

路眼誰青饑死徒聞朔酣眠莫笑伶及時

且行樂回首一滄溟

暮春絕句

人生復回首只恐復蹉跎風起春城暮飛

花處處多

三月念日送母南歸二首

衰慈逾六十畏亂去長安天地兵戎滿江

湖道路難白雲看渺渺別淚洒潛潛又恐



親憂切愁容強自寬  
相依苦日短相別恨情長  
疇疇難分手臨歧欲斷腸  
春光催遠道夜色黯行裝  
何日尋陶隱還家慰北堂

聞警

中日交涉緊急時作也

海外軍書急中原壁壘愁幾經  
人世劫強為俗塵留燕幕  
泥何在蛛絲網未收禍機

知已伏使我萬端憂

立夏雷雨

光陰喚不回節歲更昨夜好雨送殘春  
涼風入初夏人生幾寒暑來去如傳舍  
一官形役拘終為人作嫁

記五月七日所聞

來日方多難中原早畏兵烟塵迷魯岱  
鼓



通雅言錄卷一  
角動燕京誤國容秦相傷時哭賈生臨危  
敢愛死徒抱不平鳴

覽鏡寄太秋

搔首成今昔燕塵忽四年身當荆棘路淚  
入別離天懶拙空留骨安危不係肩鏡中  
康了意全仗故人憐

歸燕

中日交涉解  
決時口占

記得危巢燕啣泥笑語譁不知春已盡歸  
去入誰家

貽冬青

國是茫茫未有津痛談空負瞻輪困幾經  
劫裏難為客無賴枝頭祇餞春萬事蹉跎  
憑掉首一官牢落暫容身宣南入夏猶寒  
甚爾我都非愛熱人



通雅言集卷一  
酬民父同年見和

國是傷搖落期君正妙年中原構豺虎萬  
里接烽烟癡絕包胥哭飢餘方朔顛哀歌  
傳薊北翹首淚潸然

夏居即事

已斷春明夢難消夏至天空庭惟老雀高  
樹起鳴蟬鈍宦遭時忌孤懷得地偏閒來  
無所事愛讀養身篇

夏雨書悶

天未涼風起羈懷怯影單雷聲喧夏雨夜  
色返春寒宿草經宵長殘花帶淚看生涯  
庾信冷得句強為歡

燕京雜詩十首

蒼生方疾苦豺虎滿乾坤何日開賢路相



看老國門潘生官序拙賈傅策名尊無限  
傷懷事燕山起暮雲

世亂傷漂泊年年恨未歸避人揮別淚謝  
客掩荆扉京國知交少家書分外稀圖南  
空有翼去住寸心違

戰伐何時定瘡痍四海貧窮愁但有骨刻  
意獨傷春誤鑄九州錯憑拋一葉身蒼茫  
誰共語嗟爾太平人

燕塵枵腹卧此意有誰知可惜少年日都  
非有用時遣懷聊縱酒排悶強裁詩寂處  
交游絕閒情且自怡

擲足燕山頭風雲處處愁欲橫滄海卧猶  
憶聖湖游世事如黃鶴餘生伴白鷗飄然  
容去住天地一漁舟



遼倒一官冷蕭條萬事危  
科頭容我傲熱淚向誰揮  
乞食詢吳市狂歌託楚辭  
艱難昧生理只恨買山遲

儒生重意氣文字委泥沙  
赤手嗟何濟丹心靡有涯  
無名原上草含淚雨中花  
且忍匈奴恥他年何以家

時局危朝露浮名枉自榮  
可憐長樂老翻睨太愁生  
客思茫無着詩潮怒不平  
眼前狂放意回首淚縱橫

王氣何曾盡東南半壁存  
人心終夢夢國是漸紛紛  
狐鼠空城窟蛟龍大陸尊  
興亡先有讖往事不堪論

天下兵戎滿蒼生血淚殘  
壯心頻自勵寂處敢求安  
賢相思房魏儒臣孰范韓  
書生



通雅言錄卷下  
八五  
空誤國咄咄策時艱

納涼

小院無燈蘚覆階  
籐床琴几傍庭槐  
薰風雖暖難成汗  
急電如飛未轉雷  
竹徑常留名士座  
荷塘時送晚香來  
心田却比相如渴  
欲抱冰壺飲一杯

重有感

九州大錯從頭鑄  
半局殘棋放手彈  
國有卧龍誰肯起  
醫如扁鵲亦知難  
憂深知覺哀心死  
痛定何曾見淚乾  
舉世滔滔驚劫急  
餘生今是幾回看

夏日懷民父同年杭州

同年五百輩交契  
兩人深心比相如  
渴才輸子建吟休  
增離別淚相慰寂  
寥心夏日



真無奈湖山羨汝臨

夏日書懷二首

長日炎炎午睡癡綠槐陰上小窗遲清談  
偶學王夷甫好句常尋杜牧之詩境曠於  
觀海後宦情淡到看雲時此生非是忘軒  
冕博得消閒意態怡

小謫燕塵已四春悔從冷署寄閒身士無

知己為甘死篋有藏書不算貧鈞黨已如  
元祐日憤懷枉學杜陵人夏來祇避炎威  
苦遑說長安百事新

閱報聞中日新約正式簽字內蒙自  
此去矣爰痛慨感賦一律即示太  
秋蔭田諸子

黯黯胡塵捲地昏寒蛟盤陸走中原腥羶



遍地悲南牧鎖鑰何人管北門太祖有靈  
應入告上天已醉欲無言白山王氣銷沉  
盡東望沾衣贖淚痕

不見我華倏半載矣昨過厲痛談竟

日相對唏噓遂愴然為賦二首

傷亂何堪更念離痛淡淡往事不勝悲一塵

無地容伸脚半局殘棋枉費思

君嗜棋雖  
淺局亦細

加研  
究

運化細推知有味癡狂未賣漫從時

漢家饑死東方朔聞說河清果有期

威鳳羽毛宜自惜潛龍無咎又何妨半生

功罪歸青史萬劫因緣痛北邙蹈海難前

秦帝恥窮途未滅阮生狂相看不用籌身

世一點靈犀接混茫

得海曙調任八寨消息賦詩慰之



一官如傳舍歲月漫侵尋自適孤雲意聊  
存出世心保民同赤子苦旱望甘霖政簡  
悠悠易先聲已奪黔

八寨縣  
係簡缺

夏日游南河泊約冬青未至

昔夏訪剎海今夏訪南河南河本葦灣風  
景究如何蓮塘四匝繞萬柄搖風荷中有  
集容亭名士題壁多臨水開軒牕漠漠風

痕拖西山若有情挽客看黛峨天甯矗廢  
塔高欲蒼穹摩游情與物景皆足助吟哦  
可惜鄭撰文今日未同過良會不易得此  
游勿蹉跎將詩留爪迹俯仰成逝波

何稚岑僉事工畫山水余索畫兩幅

賦此贊之

買山無力空思畫淡雨濃晴總自然名士



多根山水性雅君筆意是南田

黃詩汝同學過廬傾談並承見示五

古一章賦此即以奉酬

亂後重相見情懷付酒爐客居同寂寞吾  
道賴匡扶宦拙難為計詩狂媿弗如開篇  
幾回讀知汝尚憐予

夏肅政壽康抗疏嚴劾權要詩以美之

不堪政海日滔滔抗疏匡衡閱世豪神駿  
何妨儕仗馬泮林應許落飛鴉相期滋蔓  
鋤非種漸見清流出怒濤從此烏臺聲價  
重霜天炯炯月輪高

寄慰太秋二首

平子工愁身世違百憂寧止舊交稀幾經  
滄海拋春夢獨立燕山看夕暉待罪一官



元下策依人無計恐長飢勸君莫問他時  
悔詩酒因循老布衣  
名不能修祇願逃素衣依舊屬吾曹少陵  
孤憤存青史詩同甫心情藉酒豪用世何年  
生馬角論才今日似牛毛相期作賦同招  
隱隻手撐天枉過勞

夏夜納涼

炎薰經雨減清氣向人迎花裡蟲相語風  
來樹有聲夜涼貪坐久神倦覺愁生又見  
東方白勞勞愧此情

西湖友人書來聞陳伯威死耗書此

誌哀

亂後重逢獨有君辛亥同事抗垣那堪今  
日死生分茫茫身世危朝露黯黯湖山慘

去歲復遇都門

那堪今



暮雲萬里招魂空作賦九泉赴詔囑修文  
臨風別有傷心淚西向松花對夕曛

詩汝寄贈希社詩篇及雨蕉軒近作  
數章索詩為報賦此即呈

希社數詩豪大都未識面零縑與碎錦皆  
足供研玩檢卷得君詩寶光若一見輾轉  
百回讀心維目不倦君詩能魔人道力益

可見橐筆燕趙游氣概為一變狂放邁士  
衡激壯驚子建連日投瓊琚入紫生璀璨  
載咏苦蠅謠寄託尤邃遠句句離騷愁篇  
篇小雅怨自來工文詞端在多憂患劫餘  
薇蕨軀腹痛家國難素衣染京塵深情託  
柔翰文字廣流傳身世良可嘆峨峨文選  
樓屹屹靈光殿裁詩報故人愧未涉涯岸



訪劉申叔參政師培

扶輪當代幾名流

君於十年前創設國粹學報

白下相

從憶昔遊

君講學兩江師範學校時余相從未久即東渡

經世奇

文根舊學愴懷時局入新秋半生事業歸

青史萬劫因緣尚黑頭薜蘿于今成俯仰

西風揮塵話神州

詔起儒生策漢庭

君以博學通儒見知當世此次應徵召入都

傷時賈傅淚空零微言幸可消叟訟爨火

何能蝕日星大局楸枰勞借箸遺經灰燼此

傳燈江南文獻知誰寄留取靈光照汗青

去矣行十二首

讒人張長舌賢士何所安世路崎嶇險人

心豺虎殘伴我杜魂哭招我屈靈還自古

有才人知遇誠獨難忠直久不逢長夜何



漫漫黃鳥為悲鳴哀哉傷肺肝

國喪由官邪古人言之詳西園已成市鴻

都久不網

某院行政用人之污濁比各部曹為甚

嗟彼慕名

利名利果芬芳生前縱崢嶸沒後良可傷

彥輔樂名教叔寶講玄茫其道能入微此

心自倘佯

浮雲蔽太空何傷日月明毀譽名所係名

生毀譽生云胡毀譽物濁世無公評所貴

千載立毋為一時爭西山可采蕨南陽可

躬耕優游林泉下寧逃身前名

晨起坐南軒花木自成榛前有綠槐陰聊

可靜心神清絮映窗戶搖曳得其真弱葉

悽驕陽遭時亦蹇屯人生需待時好惡有

屈伸振起衣滌垢濁掛冠去埃塵相與察所



通鑑詩集卷一  
九四  
尚逍遙懷良辰

驅車上高丘丘中有鳴琴石泉互激響流出清徐音何用起嘯歌臨風自悲吟省識此間樂世外小桃林朝飲木蘭露夕餐秋菊心縱吾心所欲與世同浮沉

詩酒慣平生入仕意轉拙豈無妍媚姿恐傷勁直節磊落看星晨瀟洒揮日月松柏

薄凝霜物性莫能奪顧惟鷄鶩輩爭食類饕餮胡為慕黃鵠比翼凌高潔以此慰平生獨恥事干謁憔悴遂至今悄悄中心結呼酒遣悲懷舉杯慙欲絕

去矣嗟路難止也傷局促苦吟復無聊舉觴歡不足俯仰天地間誰為吾所欲私願學玉侯可以傲流俗



通才詩集卷十  
九  
秋來多風雨氣象轉蕭疎節序傷變遷我心與之俱歡樂苦不足煩擾每有餘自來工憂愁非為塵俗拘洗耳聽秋蟬臨淵玩儵魚莊子講樂生俛仰何自娛

離離倚桐樹亭生衡岳巔上可凌霄漢下可臨深淵託足何孤危此意向誰憐昔也鳳樓<sup>樓</sup>枝今也世無緣匠師不我採生材終

棄捐安得成琴瑟妙曲廣流傳草木不遇時終古傷屯遭觸起中心悲吾道將終焉故鄉多歉歲聞說今年好雨澤貴得時秋苗已映道秋苗正勃興我自悲枯槁時來展才力何必計遲早試看赤松遊忘機採藥草

勞生寄乾坤何處避塵俗冠蓋滿京華趨



競同轉轂三載株間曹如坐窮幽谷日與  
鹿豕游夕與木石宿委命任去留忍性任  
榮辱所貴貞松堅毋羨凡卉綠蜉蝣與王  
侯沒世同朽蠲榮華原無常去日何太促  
努力崇明德君子慎所獨

訪杜雲秋方伯都門

少陵憂國鬢成絲京國相逢喜欲癡薄宦

肯因修道悔餘生翻悔學仙遲狂來方朔  
聞長嘯老去梁鴻賸五噫

先生曾著有別  
黃陵詩鈔

有深情人不識燕臺高處立多時  
余將晉游留別都中舊友

去矣非吾願歸歟亦計非臨歧徒惘惘分  
袂益依依客路誰知己勞塵染布衣艱難  
太行道惆悵素心違



晉中清明雜感

有姊傷亡早生離忽八年老親頻念此佳節倍淒然客地茫無着家書望欲穿四方瞻蹙蹙此意有誰憐

丙辰春夜大風且寒獨坐書感

風急難成睡燈昏獨擁書窗前殘月在几上劫塵餘官退詩猶進名藏道未除晉陽

花信晚悵望渺愁予

晉城答太秋以詩見寄

半載未裁詩情懷無所託自入晉陽城此意益蕭索天末得君書開函誦君作見詩如見君頓滌胸襟惡憶從湖上游不期同入幕締為詩酒盟飽盡湖山樂國是傷變遷交情未冷落去歲一入都相訂舊游約



此願未能償祇為謀生錯原憲不畏貧吟  
咏終自若高懷邁崑崙堅立何寥廓

昨得杜雲秋方伯書慰問殷勤感賦

即寄

不見少陵久開緘喜復悲萬方驚急難獨  
客祇宜詩世亂傷漂泊交親奈別離此行  
殊未愜心事賴公知

訪寧武南佩蘭同學連日傾談頗託

深契賦詩誌之

老盡廉頗畧愁添宋玉吟中原方劫急四  
海尚春深豎子名成夢英雄淚滿襟與君  
同一掬往事劇傷心

晉省改革君力為多  
奉詩後未逾一月簡

命為晉北鎮守  
使署參謀長

呈贈閩百川將軍



心香一瓣謁君侯論世憂時淚欲流河朔  
勲名宜早建天南豺虎未全收趙廷將帥  
推頗牧房相賓朋數李劉到是平原能愛  
士書空無策為公籌

訪鮑東甫觀察丈

先生服官晉省十  
數年政聲昭著國

變後遂隱  
居不仕

仰見靈光殿如公有幾人擁書藏白鹿濡

墨浥清塵

先生工書法尤  
愛收藏書畫

上客侯羸老

同武

將軍聘  
入幕府

餘生原憲貧茫茫身世感相對話

艱辛

余來晉陽識賢蓋寡葉在欽廳長余

舊友也招飲傾談頓消岑寂爰奉

貽一律兼示孫淨塵同鄉

為訪太行勝重逢獨有君客途消寂寞國



事奈紛紜嗜酒豪元亮工書敵右軍高人  
餘興在理亂未須聞

陳哲侯廳長出示冰園記事句五章

索和書以答之

吾友陳同甫晉邦來作吏闢地築名園風  
流見高致培塿無畝餘點綴皆新異疊石  
列青嶂花木來附麗鑿池玩儵魚領畧濠

梁趣招涼取松風開窗挹爽氣最愛陟東  
亭振衣接雲際四顧何蒼茫頓起無限思  
興廢原因人結構良不易掉換永和春佳  
晨多集禊忘形畧主賓縱論今昔事嘆賞  
既成吟君詩得新製一日賦瓊瑤百讀沁  
腸胃意境逼天真寄託尤深邃奈何俗宦  
場未識漆園味世濁孰能清世昏日益醉



欲抱滿園冰一澄天下穢君志果如斯此  
園愈可貴嗟予攫塵鞅何幸游屐至欲極  
視聽娛盍簪聯古誼誰是建安才來作名  
園記裁詩勉報君巴曲慚詞費

貽劉佩彭同學

與子重逢日中原劫急天憂懷誰遣此薄  
宦兩悠然何日尋陶隱逃名學老禪艱難

味生理相對話纏綿

初夏劉孝繩推事招予與士蓮啜茗

文瀛湖畔

啜茗湖亭畔閒情好共持落花成片片飛  
鳥故遲遲意緒隨春盡風光入座悲及時  
修禊事俯仰摠成癡

影翠亭小憩



游興都因身世減茫茫坐對起愁思閒來  
歲月徒傷我賣却癡狂欲問誰正喜亭欵  
微命倚又看春老落花悲唐城也仿西湖  
景記取當年啜茗時

張士蓮同學出示定庵句八絕讀訖

感題

平子聲名了嘆嗟風流文采摠堪誇漫教

陳語翻新意苦被儒迂入仕差邂逅何緣  
逢客地飄搖等是寄天涯相看話盡神州  
痛淚眼摩挲對落花

趙次龍中將奉命鎮守大同書以誌

賀

河內終教借寇恂奴奴銜命出征塵大古  
古號雄繁地中將今除柱石臣蓋世勲名  
宜早建滿營楊柳為生新慚予未暇樽盤



錢聊賦區區漑下陳

孫淨塵出示咏白牡丹句索和賦此

奉報

莫道清平調獨狂名花元不倚新妝玉堂  
早具神仙品梅雪何能較短長

忙忙春事已闌珊柳綠桃紅早厭看欲向  
瑤臺問卿意月明林下素心寒

晉陽花國看無數看到瓊葩僅數株絕代  
清標終不掩此心直與月同孤

寄懷申叔參政都門用杜甫夢李白

韻

仰首太行巔燕雲盼不至艱難兩地情息  
息通君意久留嗟局促欲行苦不易豺虎  
正縱橫恐致身命墜詩酒消長日聊慰平



生志文人真命薄君亦同  
樵願翩翩入洛年將病  
轉身累戚戚徒自傷著  
述千秋事士蓮出示肖  
影索題書以報之

連華張平子夙以風騷著  
文雄詩亦豪造詣參韓  
杜嫉世弔屈靈傷時哭  
賈傅悄悄起中心哀怨  
向誰訴憶昔少小時由  
來天人富讀書矜絕倫  
挾持早有具雖利小試

場俗文羞馳驚風氣闢  
孤島講學惟世務

廣廈千萬間羣彥樂景附

君在崇明曾創辦學堂

君

志豈在此未足盡抱負  
壯志逐雲飛片帆

小東渡法典綜甫侯國  
學為根據時譽邁

博桑人文趨如驚學就  
甫歸來經綸已展

布策中長安城梯直青  
雲路

君回國後赴部試及第授

職內閣中書

旋調資政院翩翩仲華  
年意氣高馳馭君



時獨許我一見渾如故論交入酒壚傾杯  
深肺腑文字有夙緣契合成異趣聚散奈  
無常漂泊靡定處國是經變遷交情終膠  
固爾我非厚祿國變後君歷任江浙高一  
等法曹余亦就京職  
別六寒暑南北徒相望無路通尺素浮雲  
變態多不期成快晤快晤在唐城游跡何  
乖忤我為軍幕傭君羈冷曹署君就任山  
西高等廳

推事余就同武將軍幕職  
先後來晉相距未半載時命不我諧風

物不我與人海獨蕭然幸得知己助君性

貫始終君影費領悟君撮肖影成十  
二種舉動各異變作

何其多使我記不住化生非莊子底事滋

疑誤歷劫影未磨猶是舊風度何以誌瞻

仰握筆聊記數

端午憶九兄



年年此日客中經。酒亂新愁醉復醒。冷煖  
人情憑自覺。艱難心事告兄靈。淚枯隔歲  
襟痕紫。魂返何年墓草青。佳節怕逢思骨  
肉。殘杯酸炙共飄零。

哲侯孝繩容。庵岷東。式庭士蓮茁生。  
諸子連日招余釀。飲盡醉成懽。悄  
然有咏。

底事蛻官還。作幕清閒。賺得自由身。不期  
朋輩成佳會。祇覺杯盤有劫塵。痛飲狂歌  
宜此日。建牙吹角復何令。勸君莫話苾桑  
計。新闢桃源可避秦。  
哲侯於署側  
新闢冰園

寫懷

勞生寄乾坤。四方瞻蹙蹙。高蹈既不能。折  
節非所欲。依舊阮生狂。詩酒當歌哭。到晉



倏半載白日去何速天欲老其才故我嗟  
陸陸微命忘死生饑軀任煎迫軍幕厠冗  
身薄俸無餘粟楊生愛閉關典衣買書讀  
養志溯羲皇彈棊招玉局非為嫺優游曾  
是慎幽獨

報雲秋方伯兩律

分手宣南後書來數慰吾故人多繾綣搔

首倍踟躕才豈傷馮老窮應哭阮途何時  
共樽酒抵掌話艱虞

太行堪息影無志謁承明溝壑填吾分狎  
狂病此生羣鴉爭暮噪猛虎礙人行幸有  
藏身術浮名尚足縈

夏日雷雨書感

涼雨滴初夏孤懷已入秋中原兵氣冷萬



壑樹聲道雷電飛騰急風雲變幻愁時危  
空愛國無女哭高邱

默深太秋連日寄書詩以慰之

同游幕府數當時劫後逢君一展眉

杭州別後

三年君入都時始復相見時局酸心惟縱酒軍書脫手

且裁詩亂離海內馳書切寂寞天涯獨爾  
知湖上徜徉曾有約素衣何日浣塵縑

跋

鹽城馬君說孳工詩能文辭與人交排惻纏綿昔人謂  
如飲醇醪不是過也然遇大義或是非混淆忠佞不分之  
時則熱淚迸激疾聲大呼不畏禍患之相誤億古所罕  
別有依托者耶既屬相遇巡憐余迂濶而遠於事情  
謂持此以向世猶尚表而北撤較進規曰何惜此寸剡不  
以詢當道苟有所藉手所成者大所庶者小耳余卒不  
聽之然余亦惜說孳之才之年而亦未有物色而非之青  
雲者蓋公卿之不下士久矣先軍之道德風流不可沒  
見者一日持所進郵詩鈔示余並索序詩為徽微副



君譽定且有文弁其端其能既得之學向性情才識言  
之甚詳余讀其詩多憂時感事有柯莫假之意嗟乎  
海內才智之士同此扼腕者多矣以既得之年有志石  
未可知也得志則行其學不得志則保其光於塵垢之中  
惟既得初無得失也古人詩文集不再序乃後余迂濶  
之談並揆愛既得之意為跋教語以歸之天下大無缺  
寡眾矣豈終無大力者識我既得非之青雲以遂其志  
耶丙辰四月湘鄉杜翁

丙辰六月印行

版權  
所有

定價大洋陸角

著者 馬為瓏

繕印處 山西太原監獄

分售處 各大書坊



溫州府志

